

NYHENDEBREV FOR HØGSKULEN I VOLDA, NR 21/2019, MÅNDAG 3. JUNI

Nyhendebrev frå rektor til tilsette og studentar ved Høgskulen i Volda.

Redaktør: Rektor Johann Roppen, jr@hivolda.no. Send gjerne tips og kommentarar.

Arkiv med tidlegare nyhendebrev:

<https://www.hivolda.no/om-hogskulen-volda/nyhendebrev>

NASJONAL SPØRJEUNDERSØKING OM TRAKASSERING: SVARFRIST 9. JUNI

Høgskulen i Volda deltek i Universitetet i Agder (UIA) si nasjonale undersøking av omfang på mobbing og trakassering i høgskule- og universitetssektoren. Kartlegginga blir gjennomført gjennom spørjeskjema til alle tilsette på institusjonane som deltek i undersøkinga. Tilsette har fått e-post med invitasjon til deltaking og det har også vorte sendt ut purring. Svarfristen har nett vorte forlenga til 9. juni. Denne veka var det ca 160 svar frå tilsette ved Høgskulen i Volda og vi er blant institusjonane med høgast svarprosent i sektoren. Resultata blir offentleggjort til hausten.

HER ER DET NYE HØGSKULESTYRET FOR 2019-2023

Denne veka har resultatet av val på fire representantar frå tilsette vorte kjent, og no har også Kunnskapsdepartementet peika ut sine fire representantar. Høgskulestyrets faste representantar frå 1.8.2019-31.7.2023 blir dermed:

Rektor og styreleiar: Johann Roppen

4 styremedlemmer frå Kunnskapsdepartementet: Inger Østensjø, Roar Tobro, Geir Terje Ruud og Bodil Hollingsæter.

4 styremedlemmer valt blant tilsette: Eirik Søvik (AHL), Silje Dahl (ASH) og Randi Myklebust (AHL). Cecilie Røeggen er valt som representant blant administrativt tilsette.

2 studentrepresentantar: Sara Bergland og Tormod Malvin Sæther.

Studentane vel representantar til høgskulestyret kvart år, og neste val på studentrepresentantar blir hausten 2019.

<https://www.hivolda.no/nyhende/nye-styremedlemmar-ved-hogskulen-volda-er-klare>

Sjå også Khrono:

<https://khrono.no/eksterne-styremedlemmer-hogskulen-i-volda-notis/nytt-styre-ved-hogskulen-i-volda/284034>

REISEVANAR: FLEST KØYRER BIL TIL HØGSKULEN OG SJUKEHUSET

Møre og Romsdal Fylkeskommune, Volda kommune og Ørsta kommune samarbeider for å styrke kollektivtilbodet og har invitert folk i Ørsta/Volda til å fortelje om sine reisevanar. Frå Høgskulen i Volda og Volda sjukehus var det 243 som svarte på undersøkinga. Tala tyder på at ca 50 prosent brukar bil for å kome seg på jobb på høgskule eller sjukehus. Ca 25 prosent sykklar eller går. Resten fordeler seg nokså likt mellom kombinasjonar av bil/buss eller buss/gåing. Meir detaljerte resultat frå undersøkinga kjem seinare.

JUBILEUMSMARKERING OG SOMMARAVSLUTNING 20. JUNI: HERNES KJEM - KJEM DU?

Sommaravslutninga vert i år halden torsdag 20. juni kl 14.00. Datoen er vald fordi det då er på dagen 50 år sidan Stortinget vedtok å opprette DH-skular. Blant anna i Volda. Og som ei prøveordning. I år er det også 25 år sidan dåverande kunnskapsminister Gudmund Hernes stod fadder for samanslåinga av Volda lærarhøgskule og DH-skulen i Volda. Og då passar det bra at det er Hernes sjølv som held ein tale for dagen på sjølve sommaravslutninga. Blant anna er alle tidlegare rektorar på DH-skulen og Volda lærarhøgskule inviterte - i tillegg til andre med interesse- og hjarte for skulestaden Volda. Det vil kome ein eigen e-post med påmelding til sommaravslutninga - vi må vite kor mykje mat som trengst!

PS: På dette blogginnlegget finn du blant anna eit bilde av Måseidvåg, Hernes og Halse. Dei kjem på jubileumsmarkeringa/sommaravslutninga alle tre!

<https://blogg.hivolda.no/jr/2018/01/16/nes-utan-hogskule/>

JUBILEUMSMARKERING (2): MINI-SEMINAR 20. JUNI: JØRGEN AMDAM, GUDMUND HERNES OG INGEBJØRN SLEIRE

Torsdag 20. juni blir det også eit mini-seminar i regi av "Forum for høgskulehistorie" med frie nedslag frå starten i 1969 (Jørgen Amdam), samanslåinga i 1994 (Gudmund Hernes) og - kva no? (Ingebjørn Bleidvin). Dette skjer i vesle auditorium på BK, eventuelt i store auditorium om det skulle bli veldig trangt i vesle BK. Bleidvin har markert seg blant anna med ein skarpkanta kommentar i Bergens Tidende og Khrono om utviklinga for Nord Universitet og Høgskulen på Vestlandet:

<https://khrono.no/bleidvin-hvl-nord/forsking-for-ein-kvar-pris/281364>

PENSUMLISTER FOR HAUSTEN 2019: MANGE INNE - NOKRE MANGLAR

Som for dei siste åra var 15. mai frist for å få på plass pensumlister for hausten 2019. Nedanfor står nettside med oversyn over pensumlister. Der det er lenka til pensumlister så er pensumlista på plass - dei andre manglar førebels. Det er i tillegg fleire pensumlister som er sende frå fagansvarlege og er i ferd med å verte tilrettelagt. Det ser ut til at Leganto-systemet fungerer og gir lett og rask tilgang til pensum for studentar og tilsette. Det bør no vere mindre feil eller tvil i pensumlistene - altså i sum: Vi er tidlegare ute og har betre kvalitet på listene.

<https://www.hivolda.no/students%C3%B8rvis/pensumlister/pensumlister-2019-host>

FORSKINGSUTVALET TEK EKSTRAMØTE: FORDELING AV FOU-STIPEND OG STIPENDIATSTILLINGAR

Forskningsutvalet vil ha eit ekstramøte tysdag 11. juni der fordeling av FoU-stipend for 2020 og prioritering av stipendiatstillingar står på dagsorden.

MØTE, SEMINAR OG ANDRE AKTIVITETAR I 2019

Oversyn over møte og sakspapir til dei mest sentrale råd og utval ved HVO:

<http://opengov.cloudapp.net/Meetings/HIVOLDA>

Sjå også datoar for festivalar på Festivalforum for Søre Sunnmøre:

<http://festivalforum.no/informasjon/arshjulet/>

6.6.2019: Overlappingsseminar med avtroppande og påtroppande dekanar og rektorat

7.6.2019: Sunnmøre regionråd held representantskapsmøte på Høgskulen i Volda

13.6.2019: Styremøte nr 3/2019

17.-18.6.2019: AKF Avdelingsseminar

17.-20.6.2019: The Volda Symposium 2019: Forskningskonferanse om journalistikk.

<https://www.hivolda.no/volda-symposium-2019>

19.-20.6.2019: Fjordkonferansen 2019. Tema: Digitalisering www.fjordkonferansen.no

20.6.2019: Sommaravslutning med 50-års markering for oppretting av DH (1969) - 25 års markering for HVO (1994) - byggestart for Sivert (Mediehuset)

21.6.2019: ASH Semesteravslutning

20.8.2019: Semesterstart 2019-2020

25.-26.9.2019: Karrieredagane for Søre Sunnmøre. <https://www.hivolda.no/karrieredagane-2019>

18.-29.9.2019: Forskningsdagane 2019. Tema: Miljø.

23.10.2019: Avdelingsseminar ASH

30-31.10: Utdanningsdagane. <https://www.hivolda.no/utdanningsdagane-2019>

31.10.-1.11.2019: Barnehagekonferansen

19.-20.11.2019: Nynorskkonferansen, Hamar. Arr.: Nynorsksenteret.

<https://nynorsksenteret.no/blogg/nasjonal-nynorskkonferanse-pa-hamar-i-november>

HVO I MEDIA

Les nyhendeoppslag om HVO og HVO-tilsette i nyhendemedia og sosiale media:

https://www.tintup.com/t/customer_2082469_hogskolenivolda

LEDIGE STILLINGAR VED HØGSKULEN I VOLDA

<https://www.jobbnorge.no/ledige-stillinger/hoegskulen-i-volda>

REKTORBLOGGEN

<https://blogg.hivolda.no/jr/>

HVO PÅ SOSIALE MEDIA MM.

Facebook:<https://www.facebook.com/hivolda/>

Instagram:<https://www.instagram.com/hivolda/>

Youtube:<https://www.youtube.com/user/hivolda/>

Rektorbloggen:<https://blogg.hivolda.no/jr>

Nynorsksenterets blogg:<https://www.nynorsksenteret.no/blogg>

Løpande oppdatering av straumproduksjonen i

solcelleanlegget:<http://evishine.dk/VoldaUniversityCollege?42229>

Bygging av nye studentheimar på Heltne - minutt-for-minutt-

oppdatering:<https://www.sivolda.no/aktuelt/folg-utbygginga-pa-heltne-ii-minutt-for-minutt-article810-926.html>

Med venleg helsing

Johann Roppen

Rektor

Høgskulen i Volda

Telefon: 70 07 50 00

www.hivolda.no



Miljølyrtårn